



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1709. usque ad annum 1714

Fleury, Claude

August. Vind. [u.a.], 1782

VD18 90119266

§. 1. Actum Romæ de edenda Constitutione Pontificis contra Quesnelli errores.

[urn:nbn:de:hbz:466:1-67615](https://nbn-resolving.org/urn:nbn:de:hbz:466:1-67615)

Sæc. XVIII.
A. C. 1713.

HISTORIÆ ECCLESIASTICÆ

CONTINUATÆ.

LIBER CCXVI.

CLEMENS XI. PONTIFEX MAXIMUS
CAROLUS VI. ROM. IMP.

§. I.

*Actum Romæ de edenda Constitutione
Pontificia contra Quesneli
errores.*

*Dorsan.
Journ. de
l'Hist. t. I.
pag. 39.
Præf. Hist.
pag. 27.*

Interim vehementer urgentibus Ludovico XIV. Galliarum Rege, & pluribus Franciæ Episcopis Deputati Cardinales & Theologi conficiendæ Constitutioni contra Quesneli librum strenue Romæ desudabant: Habebantur a die decima quinta Januarii singulis septimanis duæ Congregationes, quibus Clemens Pontifex, etiam satis affecta uteretur valetudine, semper intererat, tantaque eruditionis ubertate differebat, ut argumentum, de quo agebatur, plene exhaustisse videretur.

cum autem ex Cardinalibus solus Fer-
rarius, & inter Consultores Le Drou, Sæc. XVIII.
A. C. 1713.
qui Pontifici a Sacello erat, literis Gal-
licis doctissime eruditi essent, hinc Pon-
tifex ad facilitandam propositionum in-
telligentiam ceteris latinam reflexio-
num versionem Lovanii impressam sub-
ministravit. Decerpebant examinato-
res ex Quesnelli libro plurimas propo-
sitiones, quas mature cum fidei doctri-
nis conferebant, cunctosque verborum
apices ad pondus sanctuarii & Theo-
logiæ trutinam revocabant: Solerter
etiam propositiones, quas censuris ob-
noxias censebant, discutientes, an non
in sensu Catholico explicari possent,
examinabant, ac desuper sæpissime in-
ter se conferebant. Tenuit hæc Theo-
logorum discussio integrum ferme bien-
nium, tandemque die secunda Augusti
Congregationibus finis imponebatur.

§. II.

*Constitutio contra Quesnelli reflexio-
nes a Pontifice promulgata.*

Postquam Deputati propositiones ex *Act. publ.*
Quesnelli libro depromptas sum- *Const. p. 20.*
mo Pontifici exhibuerant, hic re ma-
turius ponderata, sæpiusque ad incu-
dem revocata, consultis etiam aliis
Cardinalibus & Theologis tandem tot
Hist. Eccles. Tom. LXVIII. li Gal-